

Zeitschrift: Akzent : Magazin für Kultur und Gesellschaft
Herausgeber: Pro Senectute Basel-Stadt
Band: - (2011)
Heft: 5: Schwerpunkt : wir und Bundesbern

Artikel: Carl Miville-Seiler : Erinnerige vom en alt Ständeroot : zwai
Halbkantöön - zwai Ständerööt
Autor: Miville-Seiler, Carl
DOI: <https://doi.org/10.5169/seals-842899>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use


The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Carl Miville-Seiler: Erinnerung vom en alt Ständeroot

Zwai Halbkantöön – zwai Ständerööt



Carl Miville-Seiler, Basel-Stadt



Edi Belser, Basel-Landschaft

Im wundervoll illustrierte groosse Buech «Mein Parlament», wo die eidgenössische Röötet ane 2006 über sich sälber uusegää hänn, schrybt dr Schriftsteller Pedro Lenz, iim syg bim Bsuech im Bundeshaus dr Nationalroot vorkoo wien e Gsamtschuel und dr Ständeroot wien en althilologisch Gymnasium: oordlicher, sträbsaamer, braaver und droggen. Haisst das, d Ständerööt sygge die bessere Parlamäntarier? Si sinn vyllicht e bitz en Elite, well si alli in iirem Kanton emol en absoluti Meerhait gmacht hänn. Aber die Aigeschafte, won ene dr Pedro Lenz zueschrybt, sinn ganz aifach die disziplinierendi Wirggig vo dr glaine Zaal: 46 statt 200 wie im Nationalroot. Men isch perseenlig mee gforderet, au biobachtet und uffenander aagwiise. Men isch sich im glaine Grai necher und loost uffenander: «Konstruktiionswärggstatt anstatt Paukboode», wien ych däm amme gsait ha.

In däre Wärggstatt han ych zwelf Joor derfe schaffe, vo 1979 bis 1991, und y ha kenne Verglyych aastelle mit den andere Parlamänt, won y vorhär erlät ha: Basler Grooss Rot und Nationalroot. In dr groosse Kammere spiile d Parteypolitik und wirtschaftligi Intrassen e wichtige Rolle, Ständerööt verstecken sich usserdäm au primär als Verdrätter vo kantonalen Aaliige. De Halbkantöön stoot im Ständeroot nummen ai Sitz zue. Nääbe mir het also allewyl e Landschäftler gwirggt, au är als «Ainzelmassgen» uss sym Kanton. Bsunders in Erinnerung bliiben isch mer d Partnerschaft mit em BL-Stän-

deroot Edi Belser vo 1979 bis 1987, won är drno Baselbieter Regierigsroot worden isch.

Dr Edi, 21 Joor jinger als ych, isch e gross politisch Talänt gsi und het in dr glaine Kammere glyy e wichtige Rolle gspiilt. Er isch aber au en Ooberbaselbieter – vo Lause – mit ere gesunde Skepsis geege z groossi und düüri Organisme, au was stedtisch Projägg und Finanzstruktuuren aagoot. Verschiidener Mainig gsi simmer in gwisse Gschäft im Beryych Landwirtschaft, är nadyrlich eender uff dr Syte vo de Buuren und ych als Verdrätter vo stedtische Konsumäntepositioone. Sunscht hämmer mitenander kämpft und enander ghulfe, mer sinn jo au in dr glyyche Partey gsi. Y dängg jetz an Frooge vo dr Finanzpolitik und em Finanzausglyych zwische de Kantöön, an Gschäft im Raame vo dr Landesverteidigung, wo dr Ooberscht Belser und dr Wachtmaischter Miville am glyyche Strigg zooge hänn, an Aaliige vom Flughaafe oder vom Rhyhaafe, wo d Bedienig und d Tarif vo dr Baan zer Diskussioon gstande sinn. Gäärn han y dr Edi au in sym Kampf fir dr Basistunnel uff dr Gotthardaxen understützt, won är als Presidänt vom Gotthardkomitee gfiert het. Aer het mi understützt bi myner Initiative: Vollkanton-Status für BS und BL. Myni baide andere BL-Ständerootskolleege, dr Werner Jauslin vor und dr Profässer René Rhinow noon em Edi, will y doo nit vergässe. Au doo isch d Bezieig yywandfrey gsi, wenn au nit soo äng wie mit em Belser, well mer halt parteypolitisch nit uff dr glyyche Linie gsi sinn.